

# A cori buddenti

Ùn c'hè scumessa à purtà mi  
N'è menu rappinaria  
Cù sti canti com'è armi  
Ghjornu di Santa Maria  
D'una baddi à tafunà mi  
Mi parghi a curtisia

Dispiaciarà ad ognunu  
In tamantu casamentu  
Chì par mubilia cummuna  
Teni marmaru è arghjenti  
Ch'ùn cunnoisci di a funa  
Ch'è u nodu leiaghjenti

Ma mi tocca à dì vi avali  
O signora Ghjasippina  
Ch'u sol'affari chì vali  
Hè piattatu in a me rima  
Assucià a razza nobili  
Incù a sterpa ghjacarina

I caldamoni quì fora  
A vi ghjurgu ùn sò nienti  
À cant'à lu me amori  
Ùn si metti sacramentu  
Cusì bedda di bon'ora  
Un'aghju lu cori buddenti

Di piddà mi par maritu  
Sarà a più bedda fola  
Cumpariscu è sò struitu  
Mettu sempri u pani in tola  
Senza st'amori infinitu  
Quì più nienti mi cunsola

Spalancheti i ghjilusii

Feti ghjà dunqua lu saltu  
Vi faraghju sempri cunnościa  
Chì par vo eiu nun faltu  
A filicità iterna  
Di u sintimu u più altu